



Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

1. Octobris. Si rara vobis, & inventu difficilis discretio videbitur, per obedientiam, ad quam confugiendum, ejus defectum ad securitatem supplete. S. Ign. Ep. ad Hispan.

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

implete, reliqua sine damno missa facies
omnia.

I. Octobris.

*Si rara vobis, & inventu difficultis discretio
videbitur, per obedientiam, ad quam
confugiendum, ejus defectum ad securi-
tatem supplete. S. Ign. Ep. ad Hispan.*

UT dioptâ jaculator, itâ tu superioris
judicio utere, nisi à scopo velis ab-
errare. Intricata perfectionis semita est;
nisi Ariadna filo te ducat obedientia, peri-
culum certius, quam exitum reperies.

In eminenti, angustóque calle, qualis
est, qui ad cœlum dicit, ad dextram præ-
cipitia patent, & ad sinistram. Felices,
quos obedientia manudicit! hæc suos non
extra casum tantum, sed & extra pericu-
lum ponit.

Qui sanctissimi esse volunt, gravissimè
frequenter errant; scilicet in edito proni-
üs est vertiginem pati. Huc, qui suo, non
superioris ductu graditur, ad ima relabe-
tur. Terreant vestigia!

Quid prodest sulcare maria, séque ven-
tis dare in ludibrium? portum non attin-
ges, nisi ad stellæ polaris aspectum navim

direxeris. Discretio tua ignis fatuus est
seducit.

2. Octobris.

*Dum multa onera supra vires accumulan-
tur, calcaria quidem, nullum autem fra-
num indomito equo, intractabilique
aptatur. S. Ignat. ibid.*

Non fervor, sed temeritas est, suis ma-
jora viribus audere; explorandi prius
humeri, quid ferre possint, quam oneri
subjiciendi: fatiscent sub pondere, si plus
velint, quam ferre possint.

Uno conatu præfervido totius vitæ cui
sui vigor subtrahitur. Egregia, si Diis pla-
cet, Sanctitas! audere semel, ut tota vita
vel nihil, vel modicum possis. Moderata
durant. Fac parum, ut multum, & diu
possis.

Deus, cui placere nitimus, totus mens
est, ac ratio; stulta, & inconsulta devotio
ei placere non potest. Quantum à medio,
tantum à merito recedit. Dum nimium
fervet mustum, dolium rumpit, intempe-
rans fervor corpus destruit.

Hic immoderati fervoris fructus est, ut
qui nimium ausus est, fractis nimietate vis-

tib
dæ
de fe

Mu
p
IN
I ri
xi
lent
vole
P
te, c
lunt
illiu
con
S
defi
te r
tue
pot
S
qua
gar
cor
De